

ԿՐՕՆԱԳԻՏԱԿԱՆ

ՌՈՒԲԵՆ ԱԲԵՂԱ ԶԱՐԳԱՐՅԱՆ

ՊՈՂՈՍ ԱՌԱՔՅԱԼԻ «ԽԱՉԻ ՃԱՌԸ»

Պողոս առաքյալի աստվածաբանության երկու հիմնական հոսանքները, որոնք աստիճանաբար ուրվագծվել են Սուրբ Գրքի մեկնողական գրականության մեջ, չնայած տարբերվում են իրարից, այնուհանդերձ իրենց խաչման կետը կամ հանգույցը գտնում են Քրիստոսի խաչի իրականության մեջ: Նրանցից առաջինը՝ որպես առաքյալի մտածողության հիմնական ուղղություն, դիտարկում է Քրիստոսի հավաքի միջոցով արդարացման վերաբերյալ բազմիցս արծարծված հարցը¹, իսկ մյուսը շեշտը տեղափոխում է Քրիստոսի հետ հաղորդությունական հարաբերության վրա²:

Ի դեպ, «Խաչի ճառը»³ Պողոս առաքյալի թե՛ սկզբնական (հմմտ. Գաղ. Գ 1) եւ թե՛ հետագա ավերարանման (հմմտ. Գաղ. Ե 11) առանցքում է եւ կենսական կարեւորություն է ձեռք բերում՝ առ ի համեմատություն նրա աստվածաբանական բազմաթիվ այլ ուղղությունների⁴: Այդպես՝ խաչի աստվածաբանությունից են բխում ոչ միայն նրա գործունեությունը, այլեւ եկեղեցաբանությունը, Սուրբ Նոգու վարդապետությունը, բարոյագիտությունը եւ մարդաբանությունը⁵:

Քրիստոսի խաչը քրիստոնեության նախնական քարոզչության մեջ արդեն իսկ ինքնավար նորություն էր, այն աստիճան, որ գայթակղություն էր դարձել հրեաների եւ հիմարություն՝ հույների համար (հմմտ. Ա Կորնթ. Ա 23):

1 Այս հոսանքին են պատկանում հարկապես ավանդական լուծերական միջավայրին պատկանող գիտնականները՝ **R. Bultmann, H. Käsemann, H. Hübner**:

2 Այս ուղղությանն էլ պատկանում են՝ **A. Schweitzer, K. Stendhal** եւ հարկապես **E.P. Sanders**:

3 «Խաչի ճառ» արտահայտությունը հանդիպում ենք բացառապես Ա Կորնթ. Ա 18-ում, որտեղ «խաչ» բառը գործածված սեռական հոլովով, ընկալվում է առարկայական իմաստով, այսինքն՝ խաչն է այն առարկան, նյութը, թեման, որի շուրջ կառուցվում է ճառը կամ քարոզը:

4 «Մեք քարոզեսցուք զխաչելեալն Քրիստոս» (Ա Կորնթ. Ա 23): Այս ուշագրավ արտահայտությամբ արդեն իսկ ի հայտ է գալիս խաչի առանցքայնությունը Պողոսի Ավերարանի քարոզչության մեջ: Ա Կորնթ. Ա 18-ի մեջ ասվում է, թե «ճառ խաչին .. զօրութիւն Աստուծոյ»: Եթե զուգահեռ ենք անցկացնում Նոմ. Ա 16-ի հետ, որտեղ «զօրութիւն Աստուծոյ» արտահայտությունն ասվում է այս անգամ արդեն Ավերարանի կապակցությամբ, ապա բացահայտ տեսնում ենք, որ խաչն Ավերարանի առանցքային մասերից է, առանց որի Ավերարանը կլիներ միայն «իբրեւ գաղինձ որ հնչէ կամ իբրեւ զծնծղայս որ ղօղանջեն» (Ա Կորնթ. ԺԳ 1), փես **R. PENNA**, *Vangelo e inculturazione*, San Paolo, Cinisello B. 2001, էջ 464: Ի դեպ, հուսարեն «ὁ λόγος τοῦ σταυροῦ»-ի «λόγος» բազմիմաստ եզրը գրաբարում հրաշալիորեն թարգմանվել է «ճառ», որովհետեւ «λόγος» այս բնագրում չէր կարող նշանակել պարզապես «բառ» բառարանային իմաստով, ոչ էլ «պարմություն, շարադրանք», քանի որ Պողոսը երբեք չի պարմում Տիմուսի չարչարանքների մասին: Ներելաբար այդ եզրի համարժեքն է «խոսք» (ներգործական իմաստով), այսինքն՝ «ճառ»:

5 Նմմտ. **McGrath**, *Teologia della Croce*, in **G.F. Hawthorne – R.P. Martin – D.G. Reid**, *Dizionario di Paolo e delle sue lettere*, San Paolo, Cinisello B. 1999, էջ 398: Ի դեպ, խաչի աստվածաբանությունը խաչը դիտարկում է որպես փրկության բացառիկ միջոց: Փրկագործության պարմության բոլոր մյուս իրադարձությունները, ինչպիսիք են Քրիստոսի հարությունը կամ փառավոր վերադարձը, փրկագործության նույն շրջանակում են տեղադրվում խաչի միջոցով: Խաչն աստվածաբանության ոչ թե մի առանձին դրսևորում է, այլ հենց աստվածաբանության հիմքը:

Այդ պարագայում ի՞նչ նկարի ուներ Պողոս առաքյալը, երբ խաչի «գայթակղությունն» ու «հիմարությունը» վերստին առաջարկում էր կորնթացիներին, ովքեր մի կողմից՝ նշան կամ հրաշք եւ մյուս կողմից՝ իմաստասիրական տեսություն էին պահանջում: Ինչո՞ւ նրա խաչի աստվածաբանությունը, ներծծված չլինելով հարության աստվածաբանությամբ, սակայն քրիստոնեական ինքնության տեսանկյունից շարունակում է վճռական դերակատարություն ունենալ նաեւ հարության հավաքի մեջ: Ո՞րն է այն հեռանկարը, ըստ որի առաքյալը «խաչյալ Քրիստոսին» ներկայացնում է գաղափարների, ինչպես նաեւ իր՝ բոլոր ժամանակների ընթերցողներին:

ՏԱՌԱՊԱՆՔԻՑ ԱՆԴԻՆ

Պարմության ընթացքում խաչի իրականությունը տառապանքի ընկալումից՝ հոռետեսության ու խավարամտության ողջ դրսևորումներով անցում է կատարել գեղագիտական ճանաչողության՝ խաչն առանց Խաչյալի իբրեւ գարդ գործածելու աստիճան:

Շաբերին գարմանալի կարող է թվալ այն միտքը, թե Պողոս առաքյալի համար Քրիստոսի խաչը տառապանքի խորհրդանիշ չէ, ոչ էլ ընկալելի է առանց նրա, «որ կախեալ կայցէ զփայրէ» (հմմտ. Գաղ. Գ 13-14): Անհերքելի է այն փաստը, որ նա, Ով գամվում էր խաչին, տակավին չէր ճաշակել նմանօրինակ տառապանք, ինչպիսին խաչինն էր: Ֆիզիկական տառապանքին գումարվում էր նաեւ բարոյականը, քանի որ մահվան այդօրինակ պարժին հոռմեական դարաշրջանում (հատկապես Ա դարում) արժանանում էին նրանք, ովքեր ապստամբում էին պետության կամ պետական կրոնի դեմ: Հոռմեացիների համար, հետեւաբար, խաչելությունը բարձրագույն պարիժն էր⁶: Հրեաների համար, մյուս կողմից, հաստատում էր մնում այն ճշմարտությունը, ըստ որի «Անիծեալ յԱստուծոյ է ամենայն՝ որ կախիցէ զփայրէ» (Բ Օր. ԻԱ 23), պարիժ, որ կիրառվում էր տակավին հելլենիստական շրջանից: Հովսեփիոս Ֆլավիոսը պարմում է, որ Մաքերոնարի՝ հոռմեացիների կողմից պաշարման ժամանակ զորավար Բասը հրամայում է խաչ կանգնեցնել՝ ցույց տալով, թե ցանկանում է Եդիսազար քահանայապետին անմիջապես խաչ բարձրացնել: Նման տեսարանի առջեւ ամբողջ բնակիչներն ուժեղ տառապանքով են համակվում՝ ողբաձայն աղաղակելով այդ անտանելի դժբախտությանն առ ի տեսություն⁷: Թվում է, թե այդ սպառնալիքը բավական է եղել, որպեսզի պաշարվածներն անձնատուր լինեին հոռմեացիներին⁸:

Այսուհանդերձ, խաչյալ Քրիստոսին տեսնում ենք վաղ քրիստոնեական բարոզության առանցքում եւ, ինչպես վերը նշեցինք, Պողոս առաքյալի ավերարանման կիզակետում: Ավելին, առաքյալի մրաժողության մեջ Խաչյալը ոչ թե նա է, ով համակերպվեց՝ կրելով տառապանքի նման փորձառությունը, այլ նա է, «...որ սիրեացն զիս, եւ մարնեաց զանձն վասն իմ» (Գաղ. Բ 20) եւ «Զի սէրն Քրիստոսի ստիպէ զմեզ» (Բ Կորնթ. Ե 14) փոխելու մեր գոյութենակերպն ու կենսաձեւը:

⁶ Հմմտ. Ա. Տեր-Միքելյան, Հայաստանյայց Սուրբ Եկեղեցու Քրիստոնեականը, Ս. Էջմիածին 2007, էջ 203: Ցիցերոնն այն համարում էր «ամենից դաժան ու սոսկալի տառապանքը», Մենեկայի համար խաչը «ամուլ փայր» էր, իսկ Տակիրոսը խաչելությամբ մահը որակում էր ամենաանարգը: Հմմտ. G. BARBAGLIO, La prima lettera ai Corinzi, Bologna 1996, էջ 134:

⁷ Հմմտ. И. ФЛАВИЙ, Иудейская война, Минск, 1999, VII 6,4, էջ 642:

⁸ Նույն տեղում:

Եթե քննության առնենք միայն «խաչ» եւ «խաչել» բառերի գործածությունը Նոր Կտակարանում, ապա կարող ենք վստահությամբ պնդել, որ հազվադեպ են Պողոս առաքյալի կողմից խաչի բացորոշ վկայակոչումները⁹: «Խաչ» գոյականը Նոր Կտակարանում հանդիպում է 27 անգամ, որից 10-ը՝ Պողոսի թղթերում¹⁰: Նամապարասխան բայը Նոր Կտակարանում հանդես է գալիս 46 անգամ, որից 8-ը՝ Պողոսի թղթերում¹¹: «Խաչակից լինել» բաղադրյալ բայը Նոր Կտակարանում հայտնվում է 5 անգամ, որից 2-ը՝ Պողոսի թղթերում¹²: «Խաչ» եզրը Նոր Կտակարանում կիրառություն է գտել միայն Ավետարաններում ու Պողոս առաքյալի թղթերում, սակայն որոշակի տարբերությամբ: Նամարես Ավետարաններում, օրինակ, փոխանցվում է Քրիստոսի խոսքերից մեկը, ըստ որի՝ «Որ ոչ առնու զխաչ իւր եւ գայ զկնի իմ, չէ ինձ արժանի» (Մաթթ. Ժ 38, հմմտ. Մարկ. Ը 34, Ղուկ. Թ 23): Քրիստոսի՝ խաչը կրելու այս հրավերն առանձնանում է երկու ինքնատիպ կողմերով. «խաչը» գործածվում է՝ 1) փոխաբերական իմաստով, այսինքն՝ խորհրդանշում է փորձություններն ու տարատեսակ դժվարությունները եւ 2) իր բարոյական ընդգրկունությամբ, որով դառնում է ինքնաուրացման խորհրդանիշ: Սակայն Պողոսի թղթերում իմաստաբանական այս տարողությունն ամբողջությամբ անհայտանում է. Պողոսի համար խաչը փոխաբերություն չէ, այլ մշտապես եւ միայն ու միայն Նիսուս Քրիստոսի խաչն է եւ ոչ թե նաեւ քրիստոնյայի:

Ներելաբար, Պողոսի՝ խաչի աստվածաբանական հիմնադրույթն ստիպում է վերանայելու գոնե քրիստոնյա աշխարհում տարածված այն թյուր պատկերացումը, որը խաչն ընկալվում է առանց Քրիստոսի կամ միայն ցավի ու տառապանքի դիտարկելից, քանի որ պողոսյան քարոզչության մեջ ոչ թե ինչ-որ խաչապարտ, այլ հենց Քրիստոս Ինքն է հանդես գալիս (հմմտ. Գաղ. Զ 12, Փիլիպ. Գ 18):

ԱՐԴԱՐԱՅՈՒՄ ԵՒ ԽԱՉԻ ԱՍՏՎԱԾԱԲԱՆՈՒԹՅՈՒՆ

Պողոսի քրիստոսաբանության ինքնատիպ դրույթներից մեկը գտնում ենք «Խաչի ճանին» նվիրված պարբերության (Ա Կորնթ. Ա 18-31) մեջ. «Զի ի նմանե դուք էք ի Քրիստոս Յիսուս, որ եղել մեզ իմաստութիւն յԱստուծոյ, արդարութիւն եւ սրբութիւն եւ փրկութիւն» (Ա Կորնթ. Ա 30): Աստուծո՝ հավատարացյալների հանդեպ արդարություն-արդարացում թեմատիկան կազմում է պողոսյան աստվածաբանության ամենաէական հարցերից մեկը: Ի՞նչ նկատի ունի առաքյալն «արդարութիւն յԱստուծոյ» արտահայտությունն անելիս. ե՞րբ եւ ինչպե՞ս է Աստված արդարացնելու:

Փրկագործության պատմության ընթացքում դրսեւորված աստվածային արդարության ու հայտնության ճշմարտությունն ընկալելի է միայն խաչի իրադարձության միջից, երբ Քրիստոս հանդես է գալիս որպէս «արդարութիւն յԱստուծոյ»: Ներելաբար Քրիստոսի խա-

9 Այնուհանդերձ, Պողոսի նամակաշարում հաճախադեպ են այն գոյականներն ու բայերը, որոնք շարունակաբար հիշեցնում են խաչի իրադարձությունը. «արեամբն նորա» (Ղոմ. Գ 25, Ե 9), «մահուամբ Որդոյ նորա» (Ղոմ. Ե 10), «մարմնեաց զանձն» (Գաղ. Բ 20), «մարմնեցաւ» (Ղոմ. Դ 25), «ազատեցոյց» (Գաղ. Դ 31), «հաշտեցոյցն» (Բ Կորնթ. Ե 18), «արդարացեալք ի հավատոց անորի» (Ղոմ. Ե 1):

10 Նմմտ. Ա Կորնթ. Ա 17-18 Գաղ. Ե 11, Զ 12-14, Եփ. Բ 16, Փիլ. Բ 8, Գ 18, Կող. Ա 20, Բ 14:

11 Նմմտ. Ա Կորնթ. Ա 13-23, Բ 2-8, Բ Կորնթ. ԺԳ 4, Գաղ. Գ 1, Ե 24, Զ 14:

12 Նմմտ. Ղոմ. Զ 6, Գաղ. Բ 19:

չով եւ միայն խաչի վրա Կրիստոսի ունեցաւ արդարացումը հաւատարմի միջոցով՝ առանց օրենքի գործադրության. շնորհի միջոցով հաւատարացյալները հասնում են արդարացման եւ ի գործ դառնում մարմնով «ի շնորհս յայտոսիկ յորում կամք եւ պարծիմք յուսով փառացն Աստուծոյ» (Նոմ. Ե 2): Եթե մի կողմից՝ ոչ ոք, մինչեւ իսկ հրեան, պարծենալ չի կարող Տիրոջ առջեւ, որովհետեւ «ամենեքեան մեղան, եւ նուազեալ են ի փառաց անարի Աստուծոյ» (Նոմ. Գ 23), ապա մյուս կողմից՝ խաչի իրադարձությունն է, որ դառնում է պարծանքի միակ կետը Քրիստոսին հետեւողների համար: Այսպես՝ Պողոս առաքյալը գրում է. «Այլ ինձ քաւ լիցի պարծել, բայց միայն ի խաչն Տեառն մերոյ Յիսուսի Քրիստոսի, որով ինձ աշխարհի ի խաչ ելեալ է, եւ ես՝ աշխարհի» (Գաղ. Զ 14):

Այնուամենայնիվ, անհրաժեշտ է ընդգծել, որ գտնվում ենք մի պարադոքսալ պարծանքի առջեւ, որովհետեւ Պողոսից առաջ ոչ մեկը չէր համարձակվել պարծենալ Քրիստոսի խաչով: Ինչպե՞ս կարող է Նին աշխարհի համար ծանրագույն պարիժը դրոշակ դառնալ հաւատարացյալների համար: Երբեմն փորձ է արվում մեղմացնելու Պողոսի այս գաղափարի բովանդակային տարրությունը՝ պաշտպանելով այն տեսակետը, թե իրավամբ կարելի է պարծենալ խաչով, քանի որ ի վերջո Խաչյալը նախասահմանյալ Որդին էր Աստծո՝ հենց մարդեղացման սկզբից մինչեւ մեռելներից հարություն առնելը: Իրականում, սակայն, սա չէ խաչի պարադոքսի լուծման ճշմարիտ ճանապարհը, երբ մեծ է սայթաքելու վտանգը գնոստիկյան, ասել է թե՛ Քրիստոսի երեւութական մահվան թյուր վարդապետության մեջ: Խնդրի լուծման բանալին հենց առաքյալն ինքն է տալիս՝ շեշտը դնելով խաչի մահվան նպատակի վրա. «վասն իմ» (Գաղ. Բ 20) «վասն մեր» (հմմտ. Գաղ. Գ 13), «վասն նորա», այն է՝ եկեղեցու (հմմտ. Եփես. Ե 25), «վասն ամենեցուն» (Բ Կորնթ. Ե 14), ձեռակերպումների մեջ, որտեղ *ὁπὲρ* հունարեն կամ թարգմանաբար «վասն» գրաբար նախդիրն ունի ոչ թե փոխարինման արժեք (ինչ-որ մեկի փոխարեն), այլ նշանակում է «ի նպատակ», «հոգուր»:

Պողոս առաքյալին հետաքրքրում են ոչ այնքան Քրիստոսին խաչելու շարժառիթները, որքան հաւատարացյալներին առաջնորդելը՝ ներթափանցելու նույն խաչելությանը բացված հորիզոնները, որպեսզի «մեք գորդեգրութիւն ընկալցուք» (Գաղ. Դ 5), «Մեք աւերիս Նոգոյն Սրբոյ ընկալցուք հաւատովք» (Գաղ. Գ 14), որով նոր արարածներ լինենք (հմմտ. Բ Կորնթ. Ե 17), եւ «Ներքին մարդն մեր նորոգի օր ըստ օրե» (Բ Կորնթ. Դ 16):

Արդարացման վարդապետության մեջ երեւան է գալիս նաեւ Պողոս առաքյալի հակաճառությունն Օրենքի ու Օրենքից բխող գործերի դեմ (տե՛ս Գաղ. Բ 16-17, Նոմ. Գ 21-26, Է 7-25, Փիլիպ. Գ 2-9). Օրենքը, որպես այդպիսին, չպետք է դիտարկվի բացասական լույսի ներքո այն պարճառաբանությամբ, թե ոչ ոք ի վիճակի չէ լիարժեք այն կատարելու կամ այն, որ Քրիստոսին մարմնել է մահվան՝ համաձայն հետեւյալ դրույթի, թե «Անիծեալ յԱստուծոյ է ամենայն՝ որ կախիցէ գփայրէ» (Բ Օր. ԻԱ 23): Բանն այն է, որ խաչյալ Քրիստոս կամ Քրիստոսի խաչն է այն միակ ճանապարհը, որով Աստված արդարացում է շնորհում¹³:

Ներելաբար անօգուտ են փորձերը բարելավելու արդեն իսկ արդարացվածի կացութե-

13 Նույն ինքը՝ Պողոս առաքյալը, հաստատում է այն փաստը, որ խաչն իր հայրենակիցների կողմից ընկալվում էր աստվածային անեծքի նշան, եւ գրելով գաղափարացիներին՝ նա փառաբանում է հրեաների՝ Խաչյալի նկատմամբ եւրոպական արհամարհական մոտեցումը՝ նշելով, թե Աստծուց անիծվածը հաւատարացյալների համար դարձել է օրհնության աղբյուր (հմմտ. Գաղ. Գ 13-14):

յունը թլփապության եւ օրենքի գործերի օգնությամբ, ինչին որ հավակնում էին Գաղապիայի քրիստոնյաներին մոլորեցնողները: Այդպիսի պահանջ-հավակնություններն անհմաստ են այն առումով, որ կապարելագործման տարածք են առաջացնում արդարացման գործընթացի մեջ՝ ունայնացնելով Քրիստոսի խաչի տարողությունը. «Եւ ես ոչ անարգեմ զշնորհսն Աստուծոյ. զի եթէ յօրինաց անտի էր արդարութիւն, ապա Քրիստոս զուր մեռաւ» (Գաղ. Բ 21):

Քրիստոսի խաչը միեւնոյն ժամանակ այն հանգրվանն է, որտեղ թանձրանում է աստվածային արդարության ու արդարացման հայրնությունը: Եւս մեկ անգամ ի հայտ է գալիս Պողոս առաքյալի պարադոքսալ մտածողությունը. Աստուծո արդարությունն ամբողջապէս հայրնվում է «ի նմանութիւն մարմնոյ մեղաց» (Նոռմ. Ը 3): Զարմանալիորեն Քրիստոսի խաչի վրա միաժամանակ ներկայացվում են մեղքն ու արդարությունը, նույնիսկ եթե Խաչալը զերծ էր որեւէ մեղքից: Եւ աստվածային արդարացման հասնել նշանակում է լինել խաչի խորհուրդի առջեւ:

ՆԱՂՈՐԴՈՒԹՅՈՒՆ ԵՒ ԽԱՉԻ ԱՍՏՎԱԾԱԲԱՆՈՒԹՅՈՒՆ

Քրիստոսի խաչի եւ հավաքացյալների միջեւ հարաբերությունը ներկայացնում է պողոսյան աստվածաբանության երկրորդ կարեւոր հարթությունը՝ մասնակցության կամ հաղորդության իրողությամբ: Այսպէս է դիմում Պողոս առաքյալը փիլիպեցիներին. «Ճանաչել զնա եւ զգօրութիւն յարութեան նորա եւ զհաղորդութիւն չարչարանաց նորա, կերպարանակից լինել մահու նորա. Թէ որպէս հասից ի մեռելոցն յարութիւն» (Փիլիպ. Գ 10-11):

Ինչպե՞ս է հնարավոր մասնակցել կամ հաղորդվել մի իրադարձության, որը տեղի է ունեցել առնվազն տասնհինգ տարի առաջ՝ հաշվի առնելով Պողոսի թղթերի շարադրանքի թվականները (48-60 թթ. Ք. հ.): Դեռ ավելին, երկհազարամյա հեռավորության վրա մենք ինչպե՞ս կարող ենք հաղորդ դառնալ Քրիստոսի չարչարանքներին: Առաքյալի համար սա մի խորհրդապաշտական պարզ փորձառություն չէ՝ վերապահված սոսկ մի քանի հավաքացյալների, այլ ընդգրկում է բոլոր նրանց, որոնց սրտերի մեջ «առաքեաց Աստուած զՆոգի Որդւոյն իւրոյ. որ աղաղակէ Աբբա, Նայր» (Գաղ. Դ 6): Սուրբ Նոգու ազատ ու ինքնապիպ գործությամբ իրականանում է Պողոսի եւ օրինակելի եղանակով նաեւ բոլոր մյուս հավաքացյալների համար այն դրույթը, թե՛ «Եւ ընդ Քրիստոսի ի խաչ ելից. եւ կենդանի եմ այսուհետեւ, ոչ ես՝ այլ կենդանի է յիս Քրիստոս: Այլ որ այժմս կեամ մարմնով, հավաքովք Որդւոյն Աստուծոյ կեամ, որ սիրեացն զիս, եւ մաքնեաց զանձն վասն իմ» (Գաղ. Բ 20):

Սուրբ Նոգու գործությամբ Քրիստոսի խաչին հաղորդվելն իրագործվում է երկու հիմնական ուղեգծով: Մի կողմից՝ «կենդանի է յիս Քրիստոս», եւ նրա գործությունը հավաքացյալի կյանքում անխուսափելի է այն աստիճան, որ «յամենայն ժամ զմահն Յիսուսի ի մարմինս մեր կրեսցուք, զի եւ կեանքն Յիսուսի ի մարմինս մեր յայտնեսցին» (Բ Կորնթ. Դ 10), մյուս կողմից՝ նա, ով հավատում է Քրիստոսին, նրան խաչակից է դառնում՝ Սուրբ Նոգու գործությամբ հասնելով խաչի հանգրվանին ու իրադարձությանը. «Եթէ ո՛չ գիտէք զի որ միանգամ մկրտեցաք ի Քրիստոս Յիսուս՝ ի մահ անդր նորա մկրտեցաք. զի հին մարդն մեր խաչակից եղեւ նորա» (Նոռմ. Զ 3-6): Այլ խոսքով՝ Քրիստոսի մահվան ու հարության իրադար-

ձությունը կենսունակ եւ կենսական է դառնում՝ անցնելով պարմական անցյալից մինչեւ մեր ներկան¹⁴, եւ մենք մասնակից-հաղորդակից ենք այդ իրադարձությանը, քանի որ առաքյալի հապկանշական ձեւակերպմամբ՝ «կենդանի է յիս Քրիստոս»:

Ի դեպ «խաչակից» բառը գործածված է նաեւ Ավետարանների մեջ՝ նշելով, որ խաչելության ժամանակ նրա հետ խաչ էին բարձրացել երկու չարագործներ (տե՛ս Մարթ. ԻԷ 44, Մարկ. ԺԵ 32, Նովհ. ԺԹ 32): Պողոս առաքյալը, անձնակացնելով Քրիստոսի խաչի իրողությունը, շեշտում է, որ ոչ միայն երկու չարագործները, այլեւ ինքն իսկ եւ բոլոր մյուս հավաքացյալները խաչակից են եղել Քրիստոսին. մեղքի ու մահվան հին մարդը խաչվել է նրա հետ, որպեսզի ծնվի նորը՝ առաջնորդված Սուրբ Նոգու կողմից:

Ավելին, ի տարբերություն երկու չարագործների, ովքեր իրենց մեղքին արժանի՝ հարկադրված էին ենթարկվելու մահվան նույնատիպ պարժին, հավաքացյալները գործունե կերպով են մասնակցում-հաղորդակցվում Քրիստոսի մահվանը՝ համաձայն իրենց բարոյական ընտրության. «Իսկ որ Քրիստոսեանքն՝ զմարմինս իրեանց ի խաչ հանին կարեօքն եւ ցանկութեամբք հանդերձ» (Գաղ. Ե 24): Մեր մասնակցությունը Քրիստոսի խաչին ոչ թե անգործությամբ, այլ հոգեւոր պաշտօնությամբ է իրագործվում. «Իսկ պարուղ Նոգոյն այս է. սեր, խնդութիւն, խաղաղութիւն...» (տե՛ս Գաղ. Ե 22): Այլ կերպ՝ մեր հաղորդությունը Քրիստոսի խաչին ոչ թե համակերպությամբ կամ կրավորական կեցվածքով է իրական դառնում, այլ նրա տառապանքներին գործունե մասնակցությամբ (տե՛ս Բ Կորնթ. Ա 5) «Վասն մարմնոյ նորա, որ է եկեղեցի» (Կող. Ա 24):

Այս իմաստով խաչին հաղորդվելը չի սահմանափակվում լոկ Քրիստոսի հետ մեր անձնական հարաբերությամբ, այլ ընդգրկում է այն փոխհարաբերությունը, որ յուրաքանչյուր ոք կոչված է ունենալու եկեղեցու մեջ եւ եկեղեցուն ի նպաստ: Նիսուս Քրիստոս ինքնին մեր՝ իրեն չարչարակից լինելու կարիքը կամ պակասությունը չունի: Նրա՝ խաչի վրա կարարված գոհաբերությունը կարարյալ է եւ մշտապես մնում է այդպիսին, ինչպես լավագույնս ընդգծում է Եբրայեցիներին ուղղված թղթի հեղինակը (տե՛ս Եբր. Թ 1-28): Եւ եթե կոչված ենք հաղորդվելու խաչի խորհրդին, ապա այն պարճառով, որ հաղորդվենք նաեւ եկեղեցու խորհրդին, որ Քրիստոսի մարմինն է ժամանակի ու տարածության մեջ:

Այսպես՝ Պողոս առաքյալի կողմից խաչի վարդապետության երկու հորիզոն է մարմնանշվում՝ փրկաբանական եւ եկեղեցաբանական: «Յամենայնի նեղեալք՝ այլ ոչ նուաղեալք. կարօտեալք՝ այլ ոչ տարակուսեալք. հալածեալք՝ այլ ոչ լքեալք. չարչարեալք՝ այլ ոչ սաքակեալք... Քանզի միշտ մեք որ կենդանիքս ենք՝ ի մահ մարմնիմք վասն Յիսուսի, զի եւ կեանքն Յիսուսի յայտնի լիցին ի մահկանացու մարմնինս մեր. այսուհետեւ մահ ի մեզ զօրանայ, եւ կեանք՝ ի ձեզ» (Բ Կորնթ. Դ 8-12): Առաքյալի կողմից թվարկվող դժվարությունների ու խոչընդոտների իմաստը ոչ թե անհոգության կամ անտարբերության գաղափարի մեջ հարապելն է, ինչպես կինիկյան ու ստոիկյան փիլիսոփաների մոտ էր, այլ նպատակ է հեփապոլոմ մասնակցելու Քրիստոսի մահվան-կյանքի ճշմարտությանը եւ աճելու-զարգափայլում մասնակցելու Քրիստոսի կյանքի մեջ. այն պարագայում միայն, երբ որեւէ մեկը հոժարությամբ հանձնառու է լինում փրկվելու եւ սպառվելու իր համայնքի ու իր եկեղեցու համար (տե՛ս Բ Կորնթ. ԺԲ 15), նպաստում է առաջընթացին ու զարգացմանն այն եկեղեցական իրականության, որին պատկանում է:

Վերջին տարիներին ամբողջ աշխարհով մեկ մեծ աղմուկ հանեց Մել Գիբսոնի «The Passion» ֆիլմը՝ նվիրված Նիսուս Քրիստոսի չարչարանքներին։ Քրիստոսի խաչելությունն ու վայրագ չարչարանքները պարկերոդ բռնություններով լի տեսարաններից զատ՝ ֆիլմը ներկայանում է իր աղքատիկ գաղափարաբանությամբ՝ համեմատած այն ընդգրկունությամբ, որով Նոր Կտակարանի հեղինակները եւ, ի մասնավորի Պողոս առաքյալը, ներկայացնում են խաչի վարդապետությունը։

Լսարանի մեջ խղճահարություն ու կարեկցանք հարուցելուց ավելին Քրիստոսի խաչի իրականությունը պետք է մղի մեզ վերամտորելու, վերաթեւորելու մեր քրիստոնեական լինելիության իմաստը։ Խնդրո առարկա է ոչ միայն եւ ոչ այնքան Աստվածորդու տառապանքը, որքան մեղքից ու մահից մեր արդարացման ակունքը եւ մեր անձնական ու համայնական մասնակցությունը Քրիստոսի մահվանն ու հարությանը։

Կարող ենք մտազմայլվել Խաչյալով հարկապես այն դեպքում, երբ զերծ ենք Աստծո եւ Քրիստոսի սիրո նկատմամբ կասկածանքի փորձությունից, որովհետեւ սիրո համար Աստված խաչին հանձնեց Իր Որդուն՝ ի խնդիր մեր փրկության (Նոռմ. Ը 31-39), վերջինս էլ իր հերթին ազատորեն հանձնվեց մահվան։ Աստծո եւ Քրիստոսի սերը մեր նկատմամբ վերացական կամ չափման սանդղակի վրա չէ, ինչպես մարդկային սերը, այլ պարմականորեն տեսանելի է խաչով ու խաչի վրա։

Խաչելության պահին դրամատիկ կերպով «ժամադրվեցին» Նայրը, «որ յիւր Որդին ոչ խնայեաց» (Նոռմ. Ը 32), Որդին, որ Ինքն Իրեն տվեց մեզ համար, եւ Սուրբ Նոգին, որ նախօրոք հաստատում է «գառաւարչեայն» մեր սրտերում (հմմտ. Բ Կորնթ. Ա 22)։ Ահավասիկ, Երրորդության խորհրդավոր ներկայությունը Քրիստոսի խաչելության մեջ, Երրորդություն, որ ի հայտ է գալիս ոչ թե երեք թվի ծածկագիտական տեսությունից՝ բնորոշված որպես կապարելության սիմվոլ, այլ Քրիստոսի խաչելության պահին Աստծո ամբողջական հայտնությունից։

Մեր օրերում առավել քան երբեւէ խաչի արժեքը մի տեսակ չարչարանապաշտության կամ գեղագիտության (խաչը որպես զարդ առանց Խաչյալի) մեջ սահմանափակելու միտում է նկատվում, եւ անհրաժեշտություն է առաջանում խոկումով վերընթերցելու այն էջերը, որոնք նվիրված են Քրիստոսի խաչին, Նրա, «Որ ի կերպարանս Աստուծոյ էր, ոչ ինչ յափշտակութիւն համարեցաւ զլինելն հաւասար Աստուծոյ. այլ զանձն ունայնացոյց՝ զկերպարանս ծառայի առեալ, ի նմանութիւն մարդկան եղեալ, եւ կերպարանօք գտեալ իբրեւ զմարդ, խոնարհեցոյց զանձն, լեալ հնազանդ մահու չափ եւ մահու խաչի։ Վասն որոյ եւ Աստուած զնա առաւել բարձրացոյց, եւ շնորհեաց նմա անուն որ ի վեր է քան զամենայն անուն. զի յանուն Յիսուսի Քրիստոսի ամենայն ծունր կրկնեսցի, երկնաւորաց եւ երկրաւորաց եւ սանդարամեքականաց, եւ ամենայն լեզու խոստովան լիցի թէ՛ Տէր է Յիսուս Քրիստոս ի փառս Աստուծոյ Նոր» (Փիլիպ. Բ 6-11)։